

里無城金志

上林土縣

縣舊有土城宋皇祐間建明末盡圯

國朝順治十八年遷縣治於那料村築土垣高六尺

周二百五丈東南二門有濠廣四尺深三尺金志

陽萬土分州

國朝乾隆八年建治於萬山下無城土州冊

白山土司

司城舊在喬利周六十丈五尺明末兵圯移治隴

免村吳逆變亂復移治博結村康熙五十五年始

壘土爲垣金志

興隆土司

初治喬利築石牆周七十丈高六尺牆北一門曰

順義明末兵圯移治蘆何城頭金志

定羅土司

舊城曰岑瑛城周二百餘丈後荒無居人移治朗

城頭距舊城二十里金志

舊城土司

司以山爲城石壘其缺周四里爲門四明永樂間

思恩知州岑瑛築金志

下旺土司

石城明正統間岑瑛築正南依山其三面長一百